



Mariane Paviassen Jensen
inatsisartut@ina.alla.gl

Qaqortumi mittarfiup ammarnerata kingorna Kujataanut kiffartuussinissamik isumaqatigiissut pillugu § 37 naapertorlugu apeqquteqaammut 2025-221-mut akissut

Dato: 20-02-2026
Sagsnr.: 2025 - 26677
ID. nr.: 79391590

Asasara Inatsisartunut ilaasortaq, Mariane Paviassen Jensen, Inuit Ataqatigiit

Postboks 909
3900 Nuuk

Inatsisartut suleriaasianni § 37 naapertorlugu Qaqortumi mittarfissap 2026-mi ammarnerata kingorna ilaasunik angallassineq pillugu kiffartuussinissamik isumaqatigiissutip nutarterneqarnissaa pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Tlf.: (+299) 34 50 00
E-mail: box909@nanog.gl
www.naalakkersuisut.gl

Apeqqut 1:

Naluneqanngilaq Qaqortup mittarfiata 2026-mi ammarnerata kingorna angallannermut kiffartuussinissamut isumaqatigiissutit nutartersinnaanerannut periarfissaqartoq, Naalakkersuisut najukkami najugalinnut angallannikkut kiffartuussinissamut tungatillugu qanoq Kalaallit Nunaanni najukkami najugalinnut pingaartitsitigalutik kiffartuussinissamik isumaqatigiissusiornissami sulissuteqarsimappat?

Akissut: Kujataani pisortat imaatigut, silaannakkullu ilaasunik angallassineraq pillugu Naalakkersuisut Disko Line A/S-imik aamma Air Greenland A/S-imik kiffartuussinissamik isumaqatigiissusiornikuupput. Taakkua saniatigut Ilulissat aamma Qaqortup akornanni sapaatip akunnikkaartumik angallavik ilisimaneqarluartoq Arctic Umiaq Line A/S-ip sulilissivigaa, ukiunilu tulluuttuni aamma sullissivigissallugu.

Qaqortumi Mittarfiup ammarnissaa, imaatigut ilaasunik angallassineq pillugu kiffartuussinissamik isumaqatigiissutip atuuttup sivilissusianut sunniuteqassanngilaq. Taamaalilluni isumaqatigiissutip 2030-mi atorunnaartussap nutarterneqarnissaanut, mittarfiup ammarnissaa imminermi tunngavissinngilaq.

Silaannakkut ilaasunik angallassineq pillugu kiffartuussinissamik isumaqatigiissut, Qaqortumi mittarfissap ammarneranut atatillugu atorunnaassaaq. Air Greenland A/S-imik kiffartuussinissamik isumaqatigiissut ukiumik ataatsimik sivilissusilimmik nutartissallugu Naalakkersuisut sulissutigaa.


Taassuma kingorna Kujataani silaannakkut angallassineq pillugu kiffartuussinissamik isumaqatigiissutissaq 2027-mit, 2030-p naanerata tungaanut atuuttussaq Naalakkersuisut tamanut ammasumik neqeroortitsissutigissamaarpat.

Inaarutaasumik paasissutissiissutigisinnaavara, tamanut ammasumik neqeroortitsinissamut atatillugu attaveqaasersuutit pillugit Kujataani isumasioqatigiissitsisoqassammat. Najukkami soqutigisallit angallassisartullu isummersuutaat aamma kissaataat attuumassuteqartut tusassallugit isumasioqatigiissitsinissami siunertaavoq. Kiffartuussinissamik isumaqatigiissutissap neqeroortitsissutigineqarnissaanut atortussat suliarineqarnerini isummersuutit taakkua atorineqassapput.

Attaveqaasersuutitut tunngasut, unammillernartut, angallassinermilu ajornartorsiutaasinnaasunut aaqqiissutaasinnaasut oqallisigineqarsinnaallutik attaveqaasersuutit pillugit isumasioqatigiissitsineq ammasumik oqalliffittut ingerlanneqassaaq. Taamaalilluni angallassinermi aaqqiissutit najukkami tunngaveqarnissaasa qulakkeerneqarnissaannut isumasioqatigiissitsineq tapertaassaaq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga



Aqqaluaq B. Egede